



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 03-05-274/19
Sarajevo, 14.08.2019. godine

KANTON SARAJEVO
STRUČNA SLUŽBA VLADE
Ul. Reisa Džemaludina Čauševića br. 1
71000 Sarajevo

14-08-2019
KANTON SARAJEVO

PREDMET: Odgovor na zastupničko pitanje, *d o s t a v l j a s e*; -

U skladu sa Poslovníkom Skupštine Kantona Sarajevo, zastupnica u Skupštini Kantona Sarajevo Jasmina Bišćević-Tokić, je na Devetoj sjednici Skupštine Kantona, održanoj dana 19.06.2019. godine, u okviru tačke Dnevnog reda „Poslanička/zastupnička pitanja i odgovori“, postavila sljedeće zastupničko pitanje:

„Zašto u skladu sa Zaključkom Skupštine Kantona Sarajevo od 27.02.2019. godine, nisu dostavljene Skupštini Kantona Sarajevo mjesečne informacije o saglasnostima za zapošljavanje koje su date u institucijama u Kantonu Sarajevu, na neodređeno i određeno vrijeme. Molim da mi se dostavi informacija sa imenima u prezimenima zaposlenih kojima je Vlada Kantona Sarajevo dala saglasnost za zapošljavanje od 27.02.2019. godine do danas?“

ODGOVOR

Vlada Kantona Sarajevo je na svojoj Četvrtoj sjednici, donijela Zaključak, broj: 02-05-2719-20.6/19 od 07.02.2019. godine, kojim se daje saglasnost Kantonalnoj upravi civilne zaštite Kantona Sarajevo da izvrši prijem na neodređeno vrijeme dva uposlenika i to:

- KV Vatrogasac
- KV Vatrogasac-vozač.

Ističemo da je navedeni Zaključak donesen prije 27.02.2019. godine.

Također, napominjemo da je Kantonalna uprava civilne zaštite Kantona Sarajevo (u daljem tekstu: Uprava) dana 04.03.2019. godine raspisala Javni oglas za prijem namještenika u radni odnos na neodređeno vrijeme za poziciju 1 - KV vatrogasac (1 izvršilac) i za poziciju 2 - KV vatrogasac – vozač (1 izvršilac). Javni oglas je objavljen u tri različita dnevna lista koja se distribuiraju na cijelom području Federacije.

Rješenjem direktora Uprave, broj: 22-03-34-422/19 od 04.03.2019. godine imenovana je Komisija za sprovođenje Javnog oglasa za prijem 2 (dva) namještenika u radni odnos na neodređeno vrijeme na navedena radna mjesta (u daljem tekstu: Komisija).



Komisija je proceduru javnog oglasa sprovedla prema Zakonu o namještenicima u organima državne službe u Federaciji Bosne i Hercegovine („Službene novine Federacije BiH“ broj: 49/05), Zakonu o zaštiti od požara i vatrogastva („Službene novine FBiH broj 64/09) i Uputstvu o načinu provođenja testiranja i ocjenjivanja prilikom prijema namještenika: vatrogasaca i vatrogasaca-vozača u radni odnos u Kantonalnoj upravi civilne zaštite Kantona Sarajevo broj: 22-03-05-539 /19 od 18.03.2019. godine.

Na provedeni Javni oglas za prijem u radni odnos na neodređeno vrijeme u Upravi na radno mjesto KV vatrogasac, u ostavljenom roku, prijavljeno je 11 kandidata.

Shodno uslovima javnog oglasa Komisija je pristupila, redosljedom zaprimanja prijave, utvrđivanju i razmatranju sadržaja prijave svakog od kandidata, odnosno utvrđivanju i razmatranju svakog od priloženih dokumenata u pogledu ispunjavanja općih i posebnih uvjeta propisanih javnim oglasom.

Opće i posebne uvjete Javnog oglasa na radno mjesto vatrogasac ispunili su kandidati Šenderović Anes i Blekić Adnel. Komisija je shodno zahtjevu iz javnog oglasa, sprovedla testiranje koje za to radno mjesto uključuje: pismeni test znanja iz oblasti zaštite od požara i vatrogastva, provjeru fizičke sposobnosti i usmeni dio ispita (intervju) prema Uputstvu o načinu sprovođenja testiranja i ocjenjivanja prilikom prijema namještenika: vatrogasaca i vatrogasaca-vozača u radni odnos u Kantonalnoj upravi civilne zaštite Kantona Sarajevo.

Kandidat Blekić Adnel je ostvario ukupni bodovni rezultat - 38 bodova, a kandidat Šenderović Anes je ostvario ukupni bodovni rezultat - 37 bodova.

Komisija je o svim segmetima sprovođenja javnog oglasa sačinila odgovarajuće zapisnike i tabele.

Prema članu 25. Zakona o namještenicima u organima državne službe u Federaciji Bosne i Hercegovine („Službene novine Federacije BiH“ broj: 49/05) rukovodilac organa državne službe odlučuje o prijemu namještenika u radni odnos sa liste kandidata koji ispunjavaju sve uvjete javnog oglasa. Shodno navedenom kandidatu Blekić Adnelu koji je ostvario bolji bodovni rezultat za radno mjesto KV vatrogasac, izdato je rješenje o prijemu u radni odnos.

Nadalje, kandidat Blekić Adnel izvršio je po Javnom oglasu prijavu i za radno mjesto KV vatrogasac-vozač, te postigao također, najbolji ukupni bodovni rezultat testiranja – 43 boda.

Za ovo radno mjesto, još samo jedan kandidat (Delihasanović Edin) je ispunjavao opće i posebne uvjete, te pristupio testiranju, i ostvario ukupni bodovni rezultat – 40 bodova, te je shodno navedenom kandidatu Delihasanović Edinu izdato rješenje o prijemu u radni odnos.

Šenderović Anes uložio je žalbu na Obavještenje broj: 22-03-34-422-9/19 od 25.04.2019. godine o izabranom kandidatu po Javnom oglasu za prijem namještenika u radni odnos na neodređeno vrijeme za radno mjesto KV-vatrogasac u Upravi. Žalbu za izjašnjenjem, Uprava je proslijedila Odboru državne službe za žalbe Federacije BiH.

Do danas, nije odlučeno o navedenoj žalbi, iako je Uprava uputila urgenciju dana 01.08.2019. godine, tako da Vam još uvijek ne možemo dostaviti imena i prezimena uposlenika koji su zasnovali radni odnos u Upravi.

S poštovanjem,

Dostaviti:

- Naslovu,
- a/a

